

Nyiko ya kahle swinene ya siku ra ku velekiwa


Mutsari i Zaheera Jina Asvat

Mukombisi i Chantelle uye Burgen Thorne



Zakariyya u pfukile loko dyambu ri hlometela hi le
mavangweni ya khetenisi.

A ku ri siku ra yena ro velekiwa! Manana a n'wi
tshembisile nyiko yo hlawuleka ya siku ro velekiwa.
Endzhaku ko fihlula, Manana u pfunile Zakariyya ku
ya eka xitulu xa le ndzhaku xa movha.



Movha wu yimile. Zakariyya a kota ku twa timbyana ti vukula na swimanga swi ri karhi swi n'awula.

“Manana, xana hi le kwihi?” a vutisa.

“Hi tile eka ndhawu leyo hlawuleka laha swiharhi swi hlayisiwaka kona. Yi vuriwa Nhlango wa Nsirhelelo wa Nxeleko wa Swiharhi - kumbe SPCA, hi ku komisa.”



Va ngenile hi nyangwa wa nghilazi kutani wansati loyi a ambarile yunifomo ya wasi a va xeweta.

“Hi mina Dkd Molete. Ha mi amukela eka SPCA. Mina ndzi dokodela wa swiharhi, ndzi 'vhete' hi ku komisa. Ndzi hlayisa swiharhi leswi vabyaka.”

Manana a ku, “Hi tile laha ku ta kombela ku hlayisa swimanga leswitsongo swimbirhi.”

“Swimanga swimbirhi leswitsongo?” ku vula Zakariyya.

Dkd Molete u va rhangerile ku ya eka tikhenele.

Zakariyya u vonile swimanga swo tala na swimanga leswitsongo. Dkd Molete u hoxile ximanga lexitsongo xa mpunga na xin’wana xa ntima na ku basa eka xirhwalo xa swimanga.

Manana a sayina maphepha ya vuhlayisi na ku hakela ntsengo wa kona.

Zakariyya a tatayisela Dkd Molefe



Endzhaku ka nkarhi, loko n’weti wu tatayisela dyambu, Zakariyya a khondla emubedweni na swimanga swa yena leswitsongo.

“Ginger na Liquorice i tinyiko ta mina ta kahle ta siku ra ku velekiwa kutlula hinkwato, Manana!” Zakariyya a hleka.

Nyiko ya kahle swinene ya siku ra ku velekiwa

Mutsari i Zaheera Jina Asvat • Mukombisi i Chantelle uye Burgen Thorne

Mianakanyo yo bula hayona

Xana u ta va na malembe mangani loko u fika eka siku ra wena ro velekiwa leri landzelaka? Xana nyiko ya kahle yo velekiwa leyi u yi tsakelaka ku tava yini?

Xana u ehleketa leswaku Ginger na Liquorice va fike njhani eka SPCA?

Endyangwini wa ka n'wina, xana mi nyikana tinyiko ta siku ro velekiwa?

Hikokwalaho ka yini kumbe hikwalaho ka yini mi nga nyikani?

Xifaniso

Xana u na xifuwo, kumbe u tsakela kuva na xona? Dirowa xifaniso xa wena na xifuwo lexi.

Ku Hlaya

Kuma swilo leswi eka ntsheketo:

- ★ tihuwa timbirhi leti swiharhi swi tiendlaka
- ★ mihlovo yinharhu ya mavito
- ★ nomboro yin'we
- ★ swilo swimbirhi leswi hi swi vonaka exibakabakeni
- ★ vito ra swakudya

Ku Tsala

Zakariyya a lava ximanga hi siku ra yena ro velekiwa. Loko wo va na xin'wana lexi u xi lavaka, tsala nxaxamelo wa tinyiko ta siku ro velekiwa leti u nga ti hlawulaka.

Ntirho wa vutshila

Tirhisa khadibodo ku vumba xo rhwala ku fana na le ka ntsheketo. Kutani tirhisa fulawuri yo tlangisa kumbe vumba ku endla Ginger na Liquorice kutani u swi veka eka xo rhwala ximanga.

Encenyeta

Endla onge hi wena Zakariyya ivi u tsheketa nakambe ntsheketo u nga tirhisi marito wahi na wahi. Tirhisa ntsena swikoweto ku kombisa leswi humeleleke hi siku ra wena ro velekiwa.